

中國地方志集成

四川府縣志輯（新編）⑤1

道光保寧府志

巴蜀書社·鳳凰出版社·上海書店

第五十一冊目錄

道光保寧府志

.....

光道

保寧府志

清·黎學錦 徐雙桂等 修 史觀等 纂
道光元年刻二十三年補刻本 六十二卷圖考一卷補遺一卷

保寧府志序

保寧古巴郡地山河四塞北連秦隴
東通巴峽爲蜀中北門重鎮我

朝定鼎以來承平雅化薄海同風保寧
水陸輻輳戶口殷繁休養生息將

百載蒞斯土者撫字之餘文獻無徵
識者惜焉歲己卯余以巡閱到郡覽

保寧府志

序

一

其山川視其學校而知觀察雲屏黎
公之有造於茲土也雲屏蒞任十數
年矣爲政之暇念府屬全黷就敝倡
議興修而考棚書院營學及錦屏山
之祠堂亭榭名勝之區次第修葺郡
城俯瞰大江嘉陵涪水之所匯每漲
發衝突觀察疊石累土築隄數十丈

亘若長虹附郭東北有田數千頃地

勢平衍觀察開通濟渠以利之而南
津義渡及棲流所寄骨寺利民之事
靡不畢興余巡視畢還憩於錦屏書
院之講堂愛其景物清佳因畱聯額
以誌勝概繼又披閱觀察所著公餘
紀事一卷凡有修葺必加碑記以勗

保寧府志

序

二

後來登覽之餘吟詠益夥一時名卿
大夫之所畱題及一家子弟之所唱
和彬彬郁郁萃於一編均足以光志
乘而異乎俗吏之爲之也頃以郡志
告成書來囑余序余旣喜觀察能盡
心士民之政又於郡之掌故蒐輯而
成是志也應之曰郡縣之有志猶國

之有史史以紀一朝之政治得失
志亦以備千秋之考鏡詳畧不同要
其發凡起例別類分門大之災祥之
有驗於人事兵防之有關於武備形
勢扼要爲守險者所必知疆域廣狹
爲按圖者所必詳旁及藝苑古蹟畸
人逸士有資採錄者比之作史具體

保寧府志

序

三

而微保寧向未有志而李鍾峩太史
手錄之書未經付梓久而失傳觀察
網羅散失訪之郡中耆老自分野至
藝文彙爲六十二卷今觀其所自序
知觀察一無藍本苦心冥索無滲漏
亦無雜稗野因念茲事之有待於其
人非偶然也夫踵事者易爲力創始

者難爲功曩者鄭許說地多取班
郭杜解經每襲彪見觀察乃獨爲其
難焉他日郡之人披志乘而悉數之
曰此邦之山水勝概觀察之所標而
出也此邦之節義彪流觀察之所闡
而揚也美政績者思元珪諸君之治
緬鄉賢者重堯叟兄弟其人於以補

保寧府志

序

四

常琚華陽之志卽以備太史輪軒也
觀察正當服官政之年從此精勤弗
懈勒爲治譜風示來茲更當與字水
屏山共垂不朽矣故樂得而序之
道光元年歲次辛巳長至月督蜀使
者襄平蔣攸銛礪堂氏序

保寧府志序

郡縣之有志志疆域山川也志建置沿革也志學校講舍水道隄防也凡夫節孝選舉鄉賢名宦以及名勝登覽之蹟有關於一郡一邑者靡不志志焉靡不詳所以存舊規示來茲也然而疆域依然山川如故而歷代何

保寧府志

序

一

以有建置何以有沿革學校講舍所以興文教水道隄防所以護城郭利人民而或有利未興有廢未舉有善未彰有幽未闡雖有對山武功之筆君子無取焉保寧統轄數州郡又有高山大川爲之形勢往者兵燹蹂躪

迄我

朝定鼎之初重臣宿將大纛高牙輒駐

於此而此郡爲四川省會實用武之國後乃改建府治

命觀察以分巡之百餘年來民以養恬士知禮樂蒸蒸然稱極盛焉其時民氣雖復士習旣敦而利未克興廢未克舉也善未及彰幽未及闡也同鄉黎

保寧府志

序

二

君雲屏觀察來巡是邦撫而嘆曰郡之民氣如此士習如此而百務未修是余之責也爰於課治餘閒出廉俸不謀於郡之人士首建學宮次錦屏書院次西城河隄次營學次通濟渠南津羨渡次棲流寄骨二所又以其暇日訪諸古蹟如中天樓張烈文侯

祠載酒堂捧硯亭落奕山房古觀星
臺亦以次畢舉不傷民財不費公家
一錢而保郡爲之改觀保郡之人士
亦無不尸祝而頌禱之也曩者余家
居聞觀察爲茂才時卽以函公邀

厚賞及官都下聞觀察治蜀善政輒躍然喜

曰吾鄉有賢人豈特邦家之光抑亦

保寧府志

序

三

閭里之榮豈惟大有裨於保郡人士
異日建牙開府造福無窮亦卽於此
兆之也余心慕之惜不得一來西川
以觀其政績之成歲己卯適奉

命視學來蜀甫入川北境見戶口熙熙絃誦

雍雍觀風問俗爲心儀者久之旣而

按試至郡謁學宮遊錦屏書院周覽

西城河隄及屏山諸名勝顧觀察而

笑曰有是哉余昔之所聞誠恐不逮

所見今所見洵勝於昔之所聞也然

而觀察之績著觀察之心勞矣觀察

之心勞觀察之官貧矣夫舉事者不

爲一時之計將以垂之久遠焉保郡

向無志也文旣無徵獻亦無攷何所

保寧府志

序

四

取資以示傳信觀察苦心搜輯自夫
疆域山川建置沿革有道里之可稽
年代之可證者旣已備載於篇矣乃
若其人已往其事難湮節烈可風不
居忠義之後文學雖長不與循良同
傳茲則有善必彰有幽必闡而學宮
講舍水道隄防利者興廢者舉與夫

名勝之區罔弗可傳可久則又觀察所次第經營畢殫厥心也觀察政成頌興行將遷去而保郡人士飲水思源不忘所自景學宮之巍峩如見何武鍾離意之敬恭焉望講堂之聿新尤念文翁之剏始焉過河隄而嘆白傅之遺登屏山而勒羊祜之石則覽

保寧府志

序

五

斯志也又豈止朱邑之生祠桐鄉崔帥之畱鞞部民已哉至若體例森嚴筆力遒勁擬諸對山武功夫復何讓是又觀察之餘事不必爲之詫異也道光元年冬孟四川學政蓉峯聶銑敏譔

保寧府志序

巴西自漢分郡以來無志至國初始有李鍾峩太史手錄保寧府志一冊然未付梓其書不傳夫閬中渝水爲華胥之淵伏羲所都三巴首導神功也五丁始通輿區也山川險聞天下人物盛自漢唐顧可使數千百年無一乘之傳令採風者嘆無徵乎且我

保寧府志

序

一

朝開國會墉實在於斯一時名臣宿將持旌駐節者幾二十年而又首開蜀秀擢人才者四科則固梁洋益梓之一大都會也又可無特文專獻以紀若斯之盛耶予奉監司川北得以周覽山川進郡之耆舊與言風土民物古今掌故之存退而取通志觀之多有所未合况自嘉慶乙亥纂修以後迄今已七年矣其間如兵營城郭學校數大

事並爲信史所關至於官師科第文章節烈之倫亦宜表而出之使不於此時昭其美備恐久而缺畧者必多然則郡志之修不可緩也明矣顧自下車來察吏安民未遑游心於載籍比年庶官和民氣樂而徐秋山太守亦以爲言遂精延嗜古之儒於辛巳春開局廣蒐舊典博採耆聞別類分門發凡起例今夫郡志周官之外史也撫

保寧府志序

二

民人施政教驗得失胥在於此矧創始之書非僅拾遺文者比必精其思如江河之導源焉富其言如羹鼎之陳寶焉峻其旨如龍門之桐無枝葉焉精矣峻且富矣而猶有難者則以陵谷變遷時殊勢異有非簡冊間所能盡得予來是邦久每於耳目所見聞古今所同異無不一一識之於心故得考其是非集思廣益確然共勒爲成

書上自分野下迄藝文分爲六十二卷其天文則李燾之候圖楊慎之晴雨可以坐而談也其輿地則譙周之巴志鄭樵之圖經可以臥而遊也其食貨則文光之考幽風費著之撰物譜可以按而稽也其學校則蘇過之傳弟子常寬之列後賢可以景前轍也其武備則胡西仲之編靖蜀劉仕偉之錄從戎可以欽英風也其職官則杜

保寧府志序

三

眉州之集名臣費華陽之標廉吏其選舉則劉春之志科第費密之議貢舉可以閭政治資考鏡也其人物則陳壽之傳耆舊何求之集閭苑可以溯流芬也其雜類則張唐英之檣杙海濱叟之記聞可以供博雅也至於藝文則斟酌乎升庵之全蜀而披華啟秀可以式歌而式思也如是者歷一年而始竣夫然後神功奧區得顯其奇

於蜀北夫然後大都名會得揚其盛於
川夫然後七年來之創制經營千百年之
因陋就簡得以大書特書薈萃而為秦漢
以來未有之著作豈不偉哉尤有進者巴
西為江漢之源晉文王之化首被江漢我
朝定蜀首入版圖則可知風行俗美固不獨
全蜀先聲亦天下之綱領也蒞斯土者撫
茲民物援古鑒今循趙瑤薛逢之蹟而次

保寧府志

序

四

第布之以仰副

聖天子慎簡乃僚之意則修志者之厚望也夫

道光元年歲辛巳長至月分巡四川川北
兵備道鹽運使銜湖南黎學錦序

知府曰守不知何以能守不讀志何以能知問之

吏典皆茫然也詢於僚友及鄉士大夫之家均無

存焉金曉泉經歷鑑尚留藏本展卷而知纂修之

未久也索其原板已不知所在屬曉泉蒐訪得之

書肆中缺失若干篇摸刻完補即歸經歷署收貯

交代並偕田友銜蕙田毛季海瀚張霽峯欽祖王

山甫仲選謝紫谿頌陳子農初田玉節齋振錫鏗

庵檀屠薌洲春林徐讓木樹楠諸牧令各印訂若

千部存之庶不致日久漫漶無可稽攷嗚乎前人

保寧府志

序

五

良法美意莫為之繼轉瞬皆弁髦耳獨志乘也與

哉余待罪於茲纔匝月又將有閩中之行書數語

於簡端以易曉泉並屬望於後之守斯土者道光

癸卯中夏兼署四川川北道知保寧府事升任福

建汀漳龍道江左徐宗幹識

保寧府志序

保寧漢巴西郡也甲戌奉

命守茲土問政之暇徵文考獻求所謂典要者觀

之而竟闕如夫周禮大司徒掌天下之圖

辨邦國都鄙與財用之數古之圖今之志

也無志何以識險易無志何以計盈虛無

志何以驗貞淫無志何以旌別淑慝而人

知所懼成之一郡為志成之天下為史志

保寧府志序

一

固不綦要哉况巴西自金牛闢道玉斧開

疆常璩以為瑰偉俶儻邢夔以為文學風

流井絡名區而未聞有一代之書以昭來

許何太畧也意者鄧藍姚黃屢經兵燹欲

為焉而未得其時歟抑耆舊傳聞殘於烽

燧網羅散失者未易其人歟江淹曰作志

難志果若是之難乎於是慨然又未敢輕

為已任言之雲屏觀察觀察意相合時民

事方殷姑置焉有待數年來撫字休息觀

察所修舉盡力襄其成而史梅裳明經以

觀察約自山左至梅裳予論文友也遂復

請於觀察觀察力任其事辛巳春聚書若

千卷延梅裳總其大綱簡儒紳精其分輯

仿全史以起例取百家而為言然哀集編

次定甲乙辨魯魚者已自夏徂冬矣書成

為類十為卷六十有二惟信惟允必覈必

保寧府志序

二

精煥乎集珍之於元圖也緝乎操斧之於

鄧林也今我

朝

皇熙累洽道一風淳守土者得於撫綏之餘共勤

釐定而各家著述亦半出於蓬門巖壁之

中無少遺憾則是數百年抱殘守缺而適

成於今日非所謂待其人而後行耶且夫

志者政教之所徵也政重於經時故天文

居首政大於敷化故人文居終其間山川名物與夫忠臣孝子文章勲業之偉大之備

國史職方所採遠之徵人心風俗所同自有是書吾知勤於上者益精其治賢於鄉者益淑其躬後之人輝映乎何薛陳黃諸君子則是書豈徒供博雅亦維風助教之大端也猗歟盛哉觀察亦可謂有志竟成矣

保寧府志

序

三

予固未嘗效一得之愚也幸其成而紀其實爰綴言於編末
道光元年歲次辛巳長至日保寧府知府襄平徐雙桂序

保寧府志目錄

卷之一

天文志

分野

卷之二

輿地志

建置沿革

卷之三

輿地志

疆域

卷之四

輿地志

形勢

保寧府志

卷之一

目錄

卷之五

輿地志

風俗

卷之六

輿地志

山川

卷之七

輿地志

城池

卷之八

輿地志

關隘

卷之九

輿地志

隄堰

卷之十

輿地志

津梁

卷之十一

輿地志

公署

卷之十二

輿地志

祠廟

卷之十三

輿地志

寺觀

保寧府志

卷之一 目錄

二

卷之十四

輿地志

陵墓

卷之十五

輿地志

古蹟

卷之十六

輿地志

金石

卷之十七

食貨志

錫賑

卷之十八

食貨志

田賦

卷之十九

食貨志

倉儲

卷之二十

食貨志

權政

卷之二十一

食貨志

鹽茶

卷之二十二

食貨志

戶口

保寧府志

卷之一 目錄

目錄

三

卷之二十三

食貨志

物產

卷之二十四

學校志

學校

卷之二十五

學校志

典禮

卷之二十六

學校志

祀典

卷之二十七

學校志

書院

卷之二十八

武備志

武功

卷之二十九

武備志

兵制

卷之三十

武備志

驛傳

卷之三十一

保寧府志

卷之一

目錄

武備志

舖遞

四

卷之三十二

職官志

題名

卷之三十三

職官志

政績

卷之三十四

職官志

忠節

卷之三十五

職官志

雜簿

卷之三十六

選舉志

進士

卷之三十七

選舉志

舉人

卷之三十八

選舉志

貢生

卷之三十九

選舉志

武科

卷之四十

保寧府志

卷之一

目錄

選舉志

封蔭

五

卷之四十一

選舉志

薦辟

卷之四十二

人物志

人物

卷之四十三

人物志

忠義

卷之四十四

人物志

雜簿

卷之四十五

人物志

行誼

卷之四十六

人物志

隱逸

卷之四十七

人物志

列女

卷之四十八

人物志

仙釋

卷之四十九

保寧府志

卷之一

目錄

人物志

藝術

卷之五十

人物志

流寓

卷之五十一

人物志

雜傳

卷之五十二

雜類志

事紀

卷之五十三

雜類志

餘聞

六

卷之五十四

雜類志

祥異

卷之五十五

雜類志

辨誤

卷之五十六

藝文志

文

卷之五十七

藝文志

文

卷之五十八

保寧府志

卷之一

目錄

藝文志

文

卷之五十九

藝文志

文

卷之六十

藝文志

詩

卷之六十一

藝文志

詩

卷之六十二

藝文志

詩

七